

Մ. Մկրյան

ԲԱՖՖԻ «ԿԱՅԾԵՐ» ՎԵՊԻ ՀՐԱՏԱՐԱԿՈՒԹՅԱՆ ԱՌԹՎ

Անցյալ դարի 70—80-ական թվականների հայ գրականության նշանավոր գեմքերից մեկը հանդիսանալով՝ Բաֆֆին խոշոր գեր է կատարել մեր արձակի վարձագման պատմության մեջ, Բաֆֆիի ստեղծագործական կյանքում, նայելով աշխարհայացքի մեջ եղած որոշ փոփոխությունների ընթացքին, կարելի է երեք շրջան նշել, Առաջին շրջան՝ գրական գործունեության սկզբից մինչև 1877 թվի, մինչև ռուս-թուրքական պատերազմը, երկրորդ շրջան՝ պատերազմի և հետագա մի քանի տարիները՝ մինչև Արծրունու հետ ընդհարվելը և «Մշակից» հեռանալը, և երրորդ շրջան՝ հեղինակի կյանքի վերջին տարիները՝ երբ տպագրվեց նրա լավագույն երկը, ինչպես և անցյալի հայ գրականության արժեքավոր գործերից մեկը՝ «Սամվել» պատմավեպը:

Իր ստեղծագործական կյանքի առաջին շրջանում Բաֆֆին հանդես է գալիս որպես բուրժուական լիբերալիզմի և լուսավորականության արտահայտիչ, Բազմաթիվ վեպերի և պատմվածքների (որոնց մի մասը մնացին անավարտ և լույս տեսան մահվանից հետո) նյութը առնելով հայ առևտրա-վաճառական բուրժուազիայի և պարսկահայ գյուղացիության կյանքից և բուռն կերպով արձարժելով հասարակության բուրժուական վարձագման տեսակետը, նա խիստ կերպով քննադատում է հետամնաց բուրժուազիային, որի կյանքի հանգամանքներին, կենցաղավարության այլանպաստվածություններին նա շատ լավ ծանոթ էր: Նա իր մի շարք գործերում («Ջահրումար», «Միլին աշպես մյուսն այնպես», «Անմեղ վաճառք», «Ոսկի աքաղաղ» և այլն) ստեղծեց բուրժուազիայի այդ խավերի սոցիալական բնավորության բնորոշ մի քանի դեկոր մարմնավորող բացասական կերպարներ (Ճանճուր Իվանիչ, Մասիսյան, Աղա Պարոնով և այլն): Բաֆֆին ուժեղ քննադատության է ենթարկում Պարսկաստանի ֆեոդալական հետամնացությունը, գոյություն ունեցող ֆեոդալական հողատիրության սխտեմը և երբեմն ռեալիստական զժերով մերկացնում է ֆեոդալական բարբարոսական ճնշումն ու կեղեքումը, ցույց տալիս հայ գյուղացիության անյուր տառապանքները, նրա սոսկալի ծանր վիճակը: Սակայն այս բոլորով հանգեծ, Բաֆֆին չի բարձրանում ֆեոդալականության դեմ՝ դասակարգային պայքարի գաղափարին: Այդ է պատճառը, որ թեպետ օտար ֆեոդալների կողքին հայ ֆեոդալ կեղեքիչների (Մելիքների և հողերակալների) բացասական կերպարներ է տալիս, բայց և ստեղծում է նույն խավից նաև դրական հերոսներ:

Բաֆֆին այս շրջանի գործերում թեպետ թեմատիկորեն գերազանցապես սոցիալական հարցեր է արձարժում, բայց և դրա հետ միասին, հենց այդ սոցիալական հարցերից բխող և դրանց հետ կապված քաղաքա-

կան խնդիրներ և շոշափում: Լինելով հայ ազգային շարժման գաղափարախոսներից մեկը, նա որոշակիորեն զարգացնում է ազատագրական ծրագրեր, որոնք էությունով բուրժուական-իդեալիստական են և արդեն նաղիտնալիզմի գծերով համակված: Սակայն պետք է նշել, որ Եւֆեֆիի աշխարհայացքի այդ հոռի կողմերը ավելի ուժեղ կերպով երևան են գալիս նրա ստեղծագործությունների կրկրորդ շրջանում, երբ, 1877 թվի պատերազմի կապակցությամբ հայ հասարակության մեջ հուզող խնդիր է դառնում սուլթանական բարբարոսական լծից արևմտահայության ազատագրման հարցը: Տարիներ առաջ հայ ռեֆուցիտն-դեմոկրատիայի պարագլուխ մեծ Նալբանդյանը պատմական մեծագույն խորաթափանցությամբ հայ ժողովրդի՝ օտար լծից ազատագրվելու հարցը կապում էր ռուսական ռեֆուցիտայի հաղթանակի և ռուս ժողովրդի օգնության հետ, սակայն Արծրունին, Բաֆֆին և հայ բուրժուականության այլ իդեոլոգների վախով և ժխտականորեն վերաբերվելով ռուսական ռեֆուցիտին, հույսը դնում էին ցարական կամ արևմտամարդական բուրժուական պետությունների դիպլոմատիայի և իրենց նաղիտնալիստական-ռոմանտիկ ուսկիցիոն պատկերացումների վրա: Ռուս-թյուրքական պատերազմի շրջանում Եւֆեֆիի արևմտահայ կյանքից վերցրած գործերում բուրժուական նաղիտնալիզմը ուժեղ արտահայտություն է գտնում նաև Վշակի «Հրապարակախոսություն»-ում ուղղակի ազդեցություններ: Այդ շրջանի գործերում («Ջալալեդին», «Խենթ», «Կայսեր») ճիշտ է, Բաֆֆին պատկերել է սուլթանական թյուրքիայի ուսկիցիոն կարգերը, սուլթանական տիրապետության տակ հեծող հայության կրած զրկանքներն ու տառապանքները և նրանց փիզիկական բնաջնջման վայրագ քաղաքականությունը ցույց տվող մի շարք դրվագներ, բայց և այնպես դրանց մեջ մեծ չափերով տեղ գտած բուրժուական նաղիտնալիզմը, որն արտահայտվում է մի կողմից հայ ժողովրդի արժանավորությունների նիշխիստական ժխտման, մյուս կողմից նրան ազգային բացառիկության ինչ որ գծերը վերագրելու և շրջապատի ժողովուրդների նկատմամբ ատելություն հրահրելու մեջ, մեծապես արժեքավորում է այդ գործերը Եւֆեֆիի այդ շրջանի գործերից գաղափարական արատավորություն տեսակետից առավել բնորոշը «Կայսեր» է:

Հայանի և Շահումյանի խիստ բացասական կարծիքը «Կայսեր» վեպի մասին. «Առաջին հատորը այսօր վերջացրի, բայց ոչ մի հուզում, ոչ մի ոգևորություն...», գրում է նա իր նամակներից մեկում. այնուհետև նա հեղինակին անվանում է «հեքիաթարան», որն ինքն իրեն ոգևորված ժերնալիստական փրկափայտությունների է անուամբ Եւֆեֆիի իրոք Բաֆֆիի այս վեպը հարուստ է իրականություններ խորապես սխալ ներկայացնող՝ հակապատմական և հակասական դատողություններով, որոնք սխալ են նրա աշխարհայացքի բուրժուական սահմանափակությունից: Այսպես «Կայսեր» վեպում բացորոշորեն վիրավորանք է հասցված հայ ժողովրդի ազգային արժանապատվությանը Եւֆեֆին պնդում է, որ արաբին նվաճողների դաժան ճոճման, ֆեոդալական կեղեքման և կղերական ուսկիցիոն կենսահայեցողության քարոզչության հետևանքով ոչնչացել են ժողովրդի լավագույն հատկությունները: Նրա դրական հերոսները առիթ բաց չեն թողնում անհեթեթ դատողությունների անելու ժողովրդի՝ հատկապես գյուղացիության մասին: Միանգամայն անտեսելով թյուրքիայի լծի տակ արևմտահայության վիճակը

պայմանավորող քաղաքական-սոցիալական հանգամանքները, հեղինակը իր խոսամտողներին՝ Ավոյի, Կարոյի, Ասլանի և այլոց բերանով հայտնում է շատ արտառուց կարծիքներ։ Ավոն ասում է, թե հայերի մեջ «վաղուց սպանվել է ազատության և ինքնապաշտպանության ոգին», իսկ Ասլանը ուղղակի հայտարարում է, թե «հայը սիրում է օտարի լուծը» (401)։

Մի կողմից կոնկրետ փաստերով ճշմարտացի ցույց տալով, թե ինչպես հայ շահագործող խավերի ներկայացուցիչները (ամիրանները, հոգևորականները և այլն) տիրողների ֆեոդալական բյուրոկրատիայի հետ ստորաբար գործակցում են ժողովրդին ճնշելու գործում, մյուս կողմից հակապատմական և ֆլասակար ընդհանրացման է ենթարկում նրանց վարքագիծը՝ հայերի ազգային բնավորության գիծ համարելով այդ։ Արժույթին «Հայի բնավորություն» հոգվածում գրում էր, որ հայի բնավորության «հատկությունը ներքին մատնությունն է, հայի ձեռքով հայի դավաճանությունը, վերջապես, այսպես անվանված վաստկությունը» (ՄՀակ, 77 թ., № 66) և ահա Բաֆֆի-Ասլանը շտապում է նրանից հետո կրկնել, թե «...Ամեն ժամանակ, երբ հայի համար որևիցե դավաճանություն է պատրաստվում, նրա մեջ խառն է լինում դարձյալ նույնիսկ հայի մատնիչ ձեռքը... դա հայի վատ հատկություններից մեկն է» (199)։

Այս բոլորը միաժամանակ ցույց են տալիս, որ Բաֆֆին շատ թերահավատ է ժողովրդի ուժերի նկատմամբ և ժխտում է ազատագրական պայքար մղելու նրա հնարավորությունները։ Այստեղից էլ հիմնականում բխում է նրա ոռոմանտիզմը։

Բաֆֆիի ծայրահեղ սխալ, իդեալիստական դատողությունները ժողովրդի մասին այն տեղն է հասնում, որ ահա «Կայծեր» վեպում նա հարց է դնում վերափոխել ժողովուրդը՝ «Մերկանալ ռիս մարդը և իրեն նոր մարդ նոր հոգով ու նոր եռանդով գործել գեպի ազնիվը և գեպի լավը» (463)։ Վկայում հենց այս ուղղությամբ աշխատում են Բաֆֆիի գրական հերոսները, բայց ովքեր են դրանք, ինչպես են «մերկացել հին մարդուց» և ինչն է նրանց գործի էությունը։

«Կայծեր» հայերեն հրատարակությանը կցված առաջաբանում, որտեղ առհասարակ անտեսված է Բաֆֆիի նախնախնայիզմը և վեպի այլ արատավոր կողմերը, հեղինակի սխալը և թերությունը գտնում են այն քանի մեջ, որ իբր նա «իր հերոսների գործի է դնում այնպիսի ժամանակաշրջանում, երբ Արևմտահայաստանում ազգային ազատագրական շարժման ոչ մի նախադրյալ գոյություն չուներ»։ Նախ, ճիշտ չէ ժխտել արևմտահայ իրականության մեջ 50—60-ական թվականներին ազգային-ազատագրական շարժման որևէ նախադրյալի գոյությունը, բայց և չափազանց սխալ է հարցն այնպես պատկերացնել, թե այդ հերոսները՝ Ավոն, Կարոն, Ասլանը և մյուսները, իրենց էությունամբ այնպես, ինչպես պատկերացված են վեպում, երևիցե, առհասարակ կարող էին լինել ազգային ազատագրական շարժման իսկական կազմակերպողներ և ղեկավարներ։

Դու իր ժամանակին գեմոկրատ գրող Ղազարոս Աղայանը «Կայծեր»-ի իրկորդ հատորի մասին գրած հոգվածում վեպի մի շարք արժանիքները նշելով հանդերձ (հատկապես «հայրենիքի զմայլելի վայրերի» նկարագրությունը), մեծ զայրույթով է արձանագրում այն փաստը, որ Բաֆֆին հայ ժողովրդի սպառնալից համար աշխատող անձնավորություններ է դարձնում ամենա-

կեղտոտ խաչագող Քավոր Պետրոսին և նրա նման արկածախնդիրներին, թե՛նալ ներելի չեն, — գրում է Աղայանը, — այն թերությունները, որ վերաբերում են Կայծերի ներոսներին — Ասլանին, Կարոյին, Մուրադին և Քավոր Պետրոսին, Վերջին երկուսը խաչագողներ են, իսկ առաջին երկուսը իմաստակներ, ի՞նչ չասենք շաղատաններ, Հեղինակի աչքին չեն երևում ոչ նրանց խաչագողությունը, ոչ նրանց շաղատանությունը: Ընդհակառակը, նա ճշնում է ապացույցել, որ նրանք մեկ-մեկ իրեալ են: Այս թերությունը հեղինակի կողմից առաջ է եկել նրանից, որ նա ամեն տեղ և ամեն բանի մեջ խաչագողություն է տեսնում և այն մարդիկներին է գործող անձ շինում, որոնք ըստ «Կայծերի» խաչագողի նման հարուստ ընդունակություններ ունենա: (Երկեր, հատ. 3, էջ 254): Աղայանը առանձնապես զայրալից է խոսում Քավոր Պետրոսի և Մուրադի հանդիպման տեսարանի և հեղինակի՝ նրանց արդարացնող խորհրդածությունների մասին:

Աղայանի պոլեմիկական կրքով արված այս դիտողությունների մեջ անշուշտ ճշմարտություն կա: Բանն այն է, որ Բաֆֆին ժխտելով, անտեսելով ժողովրդի ազատասիրական ոգին և ձգտումները, հանդես է բերում չարիքի դեմ պայքարող անհատներ, կամ մանր խմբերով ժալազակության կերպարանքով գործող հերոսներ, որոնք պետք է նաև որոշ ուղղություններ դաստիարակելին ժողովրդին: Հասկանալի է, որ այդ հերոսները ժողովրդի ծոցից դուրս եկած վրիժառուներ չեն (կոպիտ սխալ են գործում նրանք, որոնք «Կայծերի» հերոսներին համեմատում են Արուսյանի Աղասու հետ) և չեն մարմնավորում ժողովրդական հերոսականությունը, քանի որ Բաֆֆին նման հատկությունը ժողովրդի մեջ ժխտում է: Այդ հերոսները սովորաբար անդա-ցյիներ չեն, այլ ինչ որ տեղից հանկարծակի հայտնված խորհրդավոր անձնավորություններ, կամ հրաշքով վերափոխված նախկին թափառաշրջիկ ավանտյուրիստներ: Նրանց գործողությունների ոգի ներշնչող առաջին ուսուցիչը հանդիսացել է որսորդ Ավոն, Սասունի և Մոկաց երկրի իշխանը՝ Մելիք Միսաքը: Կարոն նույնպես ազնվական ծագում ունի. նա դարա Մելիքների ընտանիքից Միր Մարտոյի տղան էր: Հատկանշական է, որ Բաֆֆին նույնիսկ ՇՄալբիս վեպից սկսած իր իդեալին համապատասխան դրական հերոսի մի արտաքին նկարագիր ստեղծեց, որով հափշտակված՝ այնուհետև համարյա թե չփոխեց: Այսպես, Ռուստամի («Մալբիս») մասին ասում է, թե նրա ականջի և աչքի մեջտեղը մի խոր սպի կար, որը չմասնակցում գեղեցկությանը դեմքին տալիս էր թափառականությանը: Սահրատի («Ջալալեդին») մասին ասում է, թե ճակատի վրա երևում էր մի խոր սպի, որ տալիս էր նրա վայրենի դեմքին մի ահավորություն: Ավոյի մասին ասում է, թե Շնրա ճակատի վրա դրած խոր սպին մի առանձին արտահայտություն էր տալիս դեմքի խոշոր, միևնույն ժամանակ ավազակային զծագրությանը: Վարդանի («Թենիս») մասին գրում է, թե Շնրա մեծ, սևորակ աչքերը ավելի ավազակային արտահայտություն ունեին: Կարոյի աչքերը՝ թավելի խոշորացել և կարծես մի կիսավայրենի բնավորություն էին ստացել և այլն: Ինչպես երևում է, Բաֆֆին ժողովրդական էպոսի ոգուն հակառակ, իր իդեալ-դրական հերոսների բարեմասնություններ է համարում դեմքի թավազակային զծագրությունը, Վայրենությունը, թափառականությունը, լիքսավայրենի բնավորությունը և այլն:

Այս վայրենի բնավորությամբ ավազակատիպ մարդիկ, որոնք բնա

Բաֆֆի, ժողովրդի նկատմամբ ուսուցչի դեր պիտի կատարեին, որսորդ Ավոյի զգարույնն անցնելուց հետո՝ իրենց «ունակությունները» ձեռք են բերում ընկնելով Ամերիկա։ Ավոյի խնդրանքով ռուսները ամերիկացի ճանապարհորդ իր հետ Ամերիկա է տանում Ասլանին և Կարոյին։ Զալլադին էլ մի բողոքական միսիոներ Զեյթունից է ուղարկում Ամերիկա սովորելու։ Վեպի ամենաարատավոր կողմերից է այն, որ Բաֆֆին կորցնելով ազգային արժանապատվության զգացումը, քաղցր-մեղցր սենտիմենտալ գույներով նկարագրում է ամերիկյան բուրժուազիայի այսպես կոչված «բարեգործությունը»։ Վեպում ամերիկացիները ներկայացված են իրրե ասիական ժողովուրդների «քաղաքակրթիչներ» և «հայասերներ» այն ժամանակ, երբ բուրժուական «քաղաքակրթության տարածման» գիշատիչ էությունը «կայծերը» գրվելուց մոտ քսան տարի առաջ ուսուցչի ուսման նախնականը սքանչելի կերպով մերկացրել էր իր «Երկրագործությունը» որպես ուղիղ ճանապարհ հեղափոխության մեջ։ Բաֆֆին, որ մի կողմից տեսնում էր կաթոլիկության և բողոքականության Հայաստանում տարածվելու վտանգը, մյուս կողմից ստորաքարշություն է հանդես բերում արևմուտքի բուրժուական կուլտուրայի նկատմամբ և «մտեր Ֆիշեր»-ի բերանով արտահայտում է այն միտքը, թե «հայերը ընդունակ են լինելու մի հաջողակ միջնորդ՝ լուսավոր աշխարհների կրթությունը Ասիայում տարածելու» (էջ 571)։ Բնչով բացատրել այս։

1877 թվի պատերազմի ժամանակ Արծրունին հակադրվելով «Մեղու» թերթի հրապարակախոսության ուղղությանը, գրում էր, որ «Հայաստանի (խոսքը արևմտահայերի մասին է.—Մ.Մ.), առաջին նպատակը, պատերազմից հետո, պիտի լինի խնդրել, ամեն միջոցներով աշխատել Ռուսաստանին, Անդրկովկասին միանալու, իսկ եթե այդ իրագործվելու չի, Հայաստանի հույսը դարձյալ և միմիայն Ռուսաստանի վրա է» («Մշակ», 77 թ. № 23)։ Իսկ երբ դա իրոք չիրագործվեց, Արծրունին, որ ստեղծված դրությունն էությունը չըմբռնելով բուրժուական երկրների դիպլոմատիայի ցուլցերին հավատ ընծայելով՝ «ամբարեություններ» էր անում (մի բան, որ սքանչելի ծաղրել է հայ մեծ երգիծարան Հակոբ Պարոնյանը), մեջտեղ բերեց արևմտահայ հարցի լուծման նախնական իստական տեսակետ, որն առավել պարզորոշությամբ արտահայտվեց նրա «Թուրքաց հայերի տնտեսական դրությունը» գործում (1879 թ.)։ Արծրունին գտնում էր, որ «փոքրաթիվ ազգությունը, եթե նա քաղաքակրթության բոլոր հատկանիշները ունի, կարող է կլանել ավելի բազմաթիվ ազգությունը, իսկ հայերի «քաղաքակրթական հատկությունը» համարում էր այն, որ «հայը Ասիայում եվրոպացի է և ստեղծված է նրա համար, որ լինի եվրոպական լուսավորության և քաղաքակրթության միջնորդ եվրոպայի և Ասիայի մեջ»։ Նման «հիմնավորումով» Արծրունին երբեք հույսը չկտրելով ցարական դիպլոմատիայից, միևնույն ժամանակ հաճախ էլ դիմում էր արևմտաեվրոպական բուրժուական գիշատիչներին և աշխատում «համոզել», որ սրանք Արևմտահայաստանը վերածեն մի ինքնավար նահանգի՝ քրիստոնյա նահանգապետով, որտեղ ապահովված լինի կուլտուրական զարգացման հնարավորությունները։

Բաֆֆին հիմնականում գաղափարակից լինելով Արծրունու հետ, «կայծեր» վեպում արևմտահայության ապագան ընդհանուր գծերով ճիշտ այնպես

է պատկերացնում, ինչպես Արծրունին ցանկանում էր որ լինի: Ահա թե ինչու նա հիացմունքով արտահայտվելով ամերիկյան քաղաքակրթության մասին, իր հերոսներին ուղարկում է այնտեղ և ապա որպես «միջնորդներ» վերադարձնում Հայաստան: «Կայծեր»-ի վերջում պատկերվելով, թե ինչ է դարձել Հայաստանը Շշատ տարիներ հետո, Բաֆֆին գրում է, թե Վանում «Փաշայի պալատի մեջ նստած էր մի քրիստոնյա նահանգապետ», Ալփոս և նրա փեսան Ֆարհատը հարուստ հողատերեր են և ունեն խոշոր անասնապահական տնտեսություն, վարպետ Փանոսը դարձել է մեծ ներկարարական գործարանատեր, նույն և Սազոն, որ ունի խոշոր վաճառատուն և գործվածքների գործարաններ, Բերգեն-օղլին դարձել է շոգենավային ընկերության գլխավոր նավապետ և այլն: Բսկ ինչ եղան քրդերը, հարց է տալիս հեղինակը և պատասխանում, թե «Քաղաքակրթության լույսի առաջ չգիմացան նրանք»:

Նացիոնալիստական մտածողության արդյունք՝ բուրժուական այս «ապագային» հասնելու համար են գործում Բաֆֆիի վեպի «ավազակային գծագրություն» ունեցող հերոսները: Իսկ մինչև դրան հասնելը, ըստ հեղինակի պետք էր դաստիարակել ժողովուրդին — գյուղացիությանը այնպես, որ նա «ունակ» դառնար ինքնապաշտպանության: Բաֆֆին, որն առհասարակ իդեալիստորեն էր դատում իրականության մասին, այդ «գործում» վճռական դեր է հատկացնում դպրոցին: Անշուշտ, պատահական չէ «Կայծեր» վեպի կոմպոզիցիայի մեջ այն հանգամանքը, որ գործողությունը սկսում է Տեր Թոդիկի դպրոցի պատկերով, այդ դպրոցում Ֆարհատի ստացած դաստիարակության նկարագրությամբ (ըստ երևույթին Ֆարհատը սիմվոլացնում է ժողովուրդը), և վերջանում է Ռշտունիքում Գարոյի դպրոցի նկարագրությամբ և Ֆարհատին «համբույր» մոտ ուսման հանձնելու գրվագով:

Անվիճելի է, որ Բաֆֆին Տեր Թոդիկի կերպարը և նրա դպրոցի դաստիարակության բացասական էությունը բնութագրող գեղարվեստական արժեքավոր էջեր է ստեղծել, սակայն ինչ է ներկայացնում իրենից Գարոյի դպրոցը, ինչպես էր դաստիարակում մարդկանց և ինչ արդյունքների էր հասել Բաֆֆիի իդեալ՝ Կարո-ուսուցիչը: Երբ Ֆարհատը Ասլանի հետ ճանապարհորդելիս հասնում են Ռշտունիքի գյուղերից մեկը, նրանց ուշադրությունը գրավում է գյուղացիների ունեցվածքի ֆանտաստիկական չափերը: Երևիոյան, արոտից ամբողջ ժամերով գյուղ է մտնում անասունների նախիրը և դեռ ծայրը չի երևում: Ֆարհատի այն հարցին, թե ուրեղից է այդքան հարստություն, գյուղի տանուտերը պատասխանում է, թե դա արդյունք է քրդերի նկատմամբ վերաբերմունքի փոփոխության: «Երբ նրանք, — ասում է, — մեր մարդու մի մատն էին կտրում, մենք մեր ձեռքն ընկած քրդի գլուխն էինք կտրում... շատ անգամ բոլորովին անմեղ քրդեր, երբ մեր լեռների մեջ պատահում էին, բռնում էինք ու հանգստացնելով, թաղում էինք քարերի տակ» (էջ 490): Ահա թե ինչպես է դաստիարակել գյուղացիներին՝ ոչխարի միսը հում ուտող, արյունը կաթի պես խմող ուսուցիչ Կարոն: Պարզ է, որ նացիոնալիզմը հիմնավորապես խանդավառ է հեղինակին ճանաչելու արևմտահայ իրականությունը: Բաֆֆին մեծապես սխալվում էր կարծելով, որ սուլթանական դաժան բռնակալության պայմաններում հայ գյուղացին եթե «գիտակցեր», կարող էր քուրդ ցեղապետների դեմ

ինքնապաշտպանություն կազմակերպել և տնտեսական բարգավաճման հասնել այն ժամանակ, երբ նույն ինքը Բաֆֆին երբեմն մատնանշում է օսմանյան ծանր, տնտեսությունները քայքայող հարկահանությունը, և քրդերի մեջ հայերի նկատմամբ թշնամություն հրահրող նույն սուլթանական քաղաքականությունը:

Առհասարակ «Կայծեր» վեպում, թեպետ շատ է խոսվում արևմտահայության տնտեսական ծանր վիճակի մասին, բայց դրա կոնկրետ և ճշմարիտ նկարագրությունը չկա: Բուրժուական տնտեսության սիրահար հեղինակը երբեմն էլ իր գիտողությունների մեջ հասնում է այնպիսի արտահոգության, որ «թողյալ արտաքին հանգամանքները» աղքատության «գըլխավոր և բուն պատճառը», ասում է. «պետք է որոնել իրենց՝ աղքատների մեջ»: Այս եզրակացության է գալիս Ֆարհատը, երբ տեսնում է վարպետ Փանոսի գործարանը և նրա ամեն բարիքներով լիքը տունը ու նրա շուրջը աղքատության մեջ հեծող բազմաթիվ ընտանիքներ:

«Կայծեր» վեպի բուրժուա-նացիոնալիստական իդեան, ծայրահեղ ուժանտիզմը, գեղարվեստական տեսակետից այն դարձնում են շատ թույլ մի ստեղծագործություն: Դրությունը չեն փրկում որոշ իդեական նպատակադրումով՝ վեպի կոմպոզիցիայի էական կողմերից մեկը ներկայացնող Արևմտահայաստանի բնության և զանազան վայրերի ընդարձակ նկարագրությունները, որոնք, սակայն, ըստ էության, հաճախ շատ սխեմատիկ են, որովհետև մանրամասնությունները վերաբերում են հին ավերակ բերդերի և այլ հուշարձանների պատկերմանը:

Այս բոլորը բերում են այն եզրակացության, որ Հայպետհրատի կողմից «Կայծեր»-ի վերահրատարակությունը քաղաքական սխալ է: Միանգամայն իրավացի է ՀՄԳ Միության Քարտուղարության որոշումը Բաֆֆի «Կայծեր» վեպի հայերեն (1947 թ.) և ռուսերեն (1949 թ.) հրատարակությունների մասին: «Կայծեր» վեպի հրատարակությունը քաղաքական սխալ է, որովհետև այդ գրվածքը ժողովուրդների միջև թշնամանք հրահրելու իր բուրժուա-նացիոնալիստական տենդենցով խանգարում է սովետական մարզկանց ինտերնացիոնալ դաստիարակության գործին,—ասված է իրավամբ քարտուղարության այդ որոշման մեջ: Այդ սխալը ավելի ևս խորանում է նրանով, որ այդ վեպի թե հայերեն և թե ռուսերեն հրատարակությունները տպագրվել են առանց լուրջ առաջաբանների և խմբագրական աշխատանքի: Այսպես, օրինակ, առանց որևէ ծանոթագրության, միանգամայն կամայականորեն «Կայծեր»-ի վերջում ավելացվել են հեղինակի սևագրություններից վերցված մի քանի գլուխներ:

Ինչպես սկզբում նշվեց, Բաֆֆին «Կայծերից» հետո ապրեց իր ստեղծագործական կյանքի երրորդ շրջանը, որը բնութագրվում է առավելապես «Նազ-փուշ» և «Սամվել» գործերով: Այս գործերը որոշակիորեն զերծ են «Կայծերի» խոշոր արատներից: Մնալով բուրժուական լիբերալ, Բաֆֆին, սակայն, գնում է դեպի ժողովրդի ուժերի որոշ գիտակցումը, ինչպես և ստեղծում է հայրենիքի պաշտպանության գաղափարը կրող մի այնպիսի դրական հերոս՝ որպիսին է Սամվելը: